



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis Et Episcopos, Abbatibus, & aliis Prælatis Ecclesiarum in
regno Franciæ constitutis.

urn:nbn:de:hbz:466:1-20020

174 Epistolarum Innocentij III.

tenus computari, sed diligentie consideratione adhibita, de temporum consideratione subduci. Coram quibus judicibus pars Hildesemensis Ecclesiae authenticæ privilegia vestri monasterij exhiberi in iudicio & eorum copiam sibi fieri postulavit, ut per inspectionem eorum arguerent quod contra ipsa posset rationabiliter allegari. Ad quod tu, filia Abbatissa, taliter respondisti, quod hoc supervacuo petebar, nec super hoc pars adverfa debebat audiri. Nam cum tu, Abbatissa, intentionem tuam fundas olim per eadem privilegia coram nobis, pars adverfa nihil penitus obiciens contra ea, ad elidendam intentionem tuam præscriptionem solummodo allegavit, ad eandem probandum postulatis inducis & obtentis. Contra quod pars Hildesemensis Ecclesiae replicavit quod ad hoc saltem erant meritò privilegia exhibenda ut si forsitan contraria sententiam reportares, cum innovato à nobis privilegio à te Abbatissa judicibus ipsis exhibito, quod juxta mandatum nostrum in prænominato casu corrumpi debebat, etiam antiqua privilegia scinderentur. Cumque coram ipsis judicibus, qui testibus utriusque partis receptis, & eorum depositionibus solemniter publicatis, de causa meritis certiores effecti super controversiæ decisione tractabant, tu & pars adverfa super privilegiorum exhibitione non desinereatis ad invicem litigare, causam ipsam cum attestacionibus & allegationibus ad nos remisere sufficienter instructam. Partibus itaque propter hoc nuper in nostra præsentia constitutis, licet coram iudicibus supradictis renuntiatum fuerit allegationibus & conclusum, ex abundantiam tamen audiuius quæcunque fuerunt ex utraque parte proposita. Et licet super privilegiorum exhibitione ac quibusdam aliis litigatum fuisset aliquandiu coram nobis, quia tamen liquidò constitit quod nos dudum eadem privilegia præsentata nobis in iudicio diligenter insipientes & examinantes prudenter, sententialiter approbavimus utraque parte præsente, petitionem magistri Hugonis Canonici & procuratoris ejusdem Ecclesiae decrevimus reprobandum. Investigantibus autem nobis sollicitè an præscriptio legitima, scilicet centenaria, probata esset, procurator ipse fuit de plano confessus quod aliter probata non erat nisi per testes quosdam qui dixerant testimonium de auditu, adiens nihilominus in hoc casu testimonium de auditu meritò admittendum, cum vix

posset aliquis inveniri qui haberet memoriam temporis tam longævi. Sed & illud deprehendimus manifestè, quod non sufficeret Hildesemensem Ecclesiam præscriptionem centenariam probavisse; quia cum secundum juris ordinem & formam mandati nostri debuerint schismatum tempora de computatione subduci, & constet insuper quod in Romana Ecclesia schismata ferè per sexaginta quatuor annos diversis vicibus infra centum annorum limitem duraverunt, non solummodo de præscriptione centum annorum, sed etiam centum sexaginta quatuor constare debuit, ut intelligeretur præscriptio centenaria consummata. Nos igitur allegationem prædictam, ut scilicet testimonium de auditu in hoc casu admitti deberet, frivolam reputantes, cum in hujusmodi casu hoc minimè permittatur à jure, maximè cum illud inconveniens sequeretur, ut duo possent contradictorie opposita comprobari, quia nobis constituit evidenter monasterium vestrum, sicut præmissum est, ad Romanam Ecclesiam pertinere, ac Hildesemensem Ecclesiam centum annorum præscriptionem, quam objecerant, non probata, de consilio fratrum nostrorum te, filia Abbatissa, nomine Romana Ecclesia, cuius fueras procuratrix, ab impetione Ecclesie Hildesemensis absolvimus, statuentes ut monasterium vestrum ea de cetero gaudet libertate quæ in innovato à nobis privilegio inventur expressa. Null ergo &c. nostra dissensionis & confitutions &c. Si quis autem &c. Datum Laterani v. Idus Maij, anno undecimo.

*ARCHIEPISCOPIS ET
Episcopis, Abbatibus, & aliis Prelatis Ecclesiistarum in regno Francie constituti.*

Epif. 8.
Commendat
eis Galam
Cardinalis &
Legatum.
Tendisse Dominus arcum suum in internicionem populi sui quemadmodum inimicus & quasi hostis dexteram suam firmavisse viderit ut plaga inimici percuteret terram sanctam, cuius contritio magna est sicut mare, nec inventur qui medeat eidem. Bibit enim calicem iræ Dei profundum & latum, & amaritudine vehementi repleta, non habet ex omnibus cari suis qui sibi consolationem impendat. Clamat autem ad Dominum, nec exaudit; vociferatur ad eum vim patiens, & non salvat: quia destruxit eam & non pepercit, inimicum super ipsa lætificans, & cornu hostium suorum exaltans. Quis jam ergo Christi sanguine pretioso redemptori existere non videatur ingratius si

locum suæ redēptionis tanta videns calāitate contritum, toto sibi non compatiatur affectu? Cujus inquam saxo vīscera duriora miseratione tanta miseria non frangantur? Quis in tanta contumeliam crucifixi tanto zelo debeat non succendi ut ad ejus injuriā repellendam ibi se pretiosā morti, si oporteat, non evitet exponere ubi dignatus est ille pro ipso crucem ignominiam subire; quandoquidem loca Christi nativitatē sanctificata pollui conspicit spurciū paganorum, & ante oculos quasi Iesu pendentis in cruce blasphemantes perfidos insultare, *Si filius Dei es, nunc de cruce descendas, & salva teipsum*, quem in tuis iterum crucifigimus & in tuo, viciniā dominici diverforij minimè reverentes, nec trepidantes ne suis injuriis lacefūtis de vicino præsepio infans vagiat, ac de putridis immunditis eorundem propè sedens puerpera virgo pudescat. Hujus itaque nos doloris immensitate percussi, hujus indignitate prægrandis injuria provocati, multifariè multisque modis, diligenter quidem quamquam non efficaciter, hacten ad liberationem sanctæ Christi hereditatis intendimus, & quantum nobis altissimum ministraverit intendere non cessantes, cùm ex apostolica provisionis officio nobis ad præsens incumbat Legatum in regnum Franciæ de nostro latere destinare, inter cetera quæ suo ministerio sunt gerenda, negotium crucis specialiter ei commisimus promovendum. Cùm igitur idem regnum inter alia regna mundi fuerit semper & sit nobis & apostolica se di devotum ac speciali prærogativa dilectum, ut affectum sincerae dilectionis quem gerimus circa ipsum in persona Legati evidenter monstraremus, tales de consilio fratrum nostrorum illuc duximus delegandum quem inter ceteros fratres nostros speciali caritate diligimus & familiari benevolentia suis exigentibus meritis amplexamur, dilectum videlicet filium nostrum Gualam sanctæ Mariae in Porticu Diaconum Cardinalem, virum utique vita, fama, scientiaque præclarum, concessa sibi plenaria potestate ut evellet & destruat, ædificet & plantet quæ in Ecclesia Dei evelienda & destruenda, ædifica canda cognoverit & plantanda. Proinde universitatem vestram monemus attente & exhortamur in Domino per apostolica scripta præcipiendo mandantes quatenus præfatum Cardinalem tamquam Legatum apostolicae sedis & magnum in Ecclesia Dei locum habentem, immo personam

nostram in eo recipientes humiliter & devotè, ipsiusque salutaribus monitis & præceptis tam super orientalis Ecclesiæ subventione quam super aliis quæ vice nostra duxerit disponenda pronis mentibus intendentis, mandata pariter & statuta ipsius tamquam devotionis filij recipiatis firmiter & servetis; de cuius nimurum circumspetione provida & providentia circumspecta indubitanter fiduciam obtinemus quoniam dirigente Domino gressus ejus, ita regia via curabit incedere quod, sicut ei viva voce dedimus in mandatis, non declinabat ad dexteram vel sinistram. Ipsi proinde universi & singuli reverentiam debitam & devotam obedientiam impendere satagatis; ne si, quod absit, à quoquam effet aliter attentatum, præter ipsius Cardinalis offensam, cuius sententiam, si quam in contumaces aut rebelles exigentibus meritis duceret promulgandam, faceremus usque ad condignam satisfactionem inviolabiliter observari, nostram quoque indignationem incurreret, qui secundum Apostolum omnem inobedientiam parati sumus ulcisci. Datum Anagniæ iv. Kal. Iunij, anno undecimo.

*GVALÆ SANCTÆ MARIE IN
Porticu Diacono Cardinali, apostolice
sedis Legato.*

P Lenam gerentes de tua discretione fiduciam, causam quæ vertitur inter carissimum in Christo filium nostrum Philippum Regem & carissimam in Christo filiam nostram Ingeburgam Reginam Francorum illustres super maleficio quo idem Rex afferitur impeditus, tuæ duximus experientia committendam, per apostolica tibi scripta mandantes quatenus provisa eidem Reginæ plenaria libertate, causam ipsam appellatione remota diligenter examines, & si de partium processerit voluntate, canonico fine decidas; alioquin ipsam sufficienter instructam ad nostrum remittas examen, præfigens partibus terminum competentem quo receptura sententiam per idoneos responsales nostro se conspectui repræsentent. Datum ut in alia.

*LONDONIENSI ET ROFFENSI
Episcopis, & Decano Lincolniensi.*

Intra ceteras angustias & pressuras quibus peccatis exigentibus Ecclesia sub jacent Anglicana, gravem venerabilis fratris nostri Eboracensis Archiepiscopi nuper accepimus questionem, quod cùm

*Epi. 86.
Committe
ei causa diver
tij Philippi
Regis.*

*Epi. 87.
De interdicto
provinciæ Ebo
racensis fer
vando.*